



QUÆSTIO MEDICA,  
CARDINALITIUS DISPUTATIONIBUS  
MANE DISCUTIENDA  
IN SCHOLIS MEDICORUM.

Die Jovis 30 Martii 1719.

M. ANTONIO PEPIN,  
DOCTORE MEDICO, PRÆSIDE.

*An optati cibi Digestio felicior?*

I.

**P**RESSIONE vasorum continuâ, sanguinis præterfluentis impetu, quæ fovetur œconomix animalis integritas, deteritur sensim & collabascit. Venturam inde totius corporis ruinam imminentem licet, morantur & arcent ad tempus, ingesta felicioris digestionis alimenta. Feliciorem intellige, non quam alimenta melioris succi, aut potus generosior induxerit. Talem asseras, quæ debitam vasis nutriendis materiam subministrat: His dotibus instructa erit, quæ primam in-ventriculo coctionem passa, nihil vitii secum apportabit, aliis coctionibus nusquam emendandum. Hanc tibi suppeditabunt cibi, quos in ore salivâ

uberiori masticando perfusos, ejusdem indolis liquoribus, œsophagum & ventriculum præterlabendo, irroratos, vividius & alacrius oscillantes ventriculi & circumjacentium partium fibræ sibi obsecundantes offenderint. Digestio itaque ut simplicissima est operatio, sic eo potissimum sine à naturâ instituitur, ut ad nutritionem necessaria concilietur alimentorum fluxilitas. Hanc non tam principiorum, quàm integrantium particularum dissolutionem esse arbitreris.

## I I.

**E**SSENTIALES alimentorum partes digestionem dissolvendas esse nusquam concipiat naturæ simplicitatis amans. Separari non immutari indiget nutritionis materies: hinc si animantia & vegetabilia exceperis, cætera corporis nutritioni inepta, ut pote vasis aut succis analogis destituta pronunties. Quæ ex cibis attritis elicitur digestionem materies, formam mutat non characterem; naturæ suæ tenax, hanc retinet nec aliam induit. Digestionis igitur & nutritionis æqua necessitas, mutua opera: mutuam appella, quarum utraque sic à se invicem pendet, ut una in alteram faciliè transeat; ut enim digestionem paratur nutritionis materies futura, sic nutritionem digestionis facilitas conciliatur. Utraque fluiditatem alimentorum, horumque cum partibus refarciendis proportionem & similitudinem requirit. Vasa nutritionem reparanda, vasorum materiaturas supponunt digestionem dissolutas. Quid autem ad dissolvendum potentius, quàm uberior laticis aquosi copia, si prævia inprimis fuerit dissolvendorum comminutio, magis ac magis eundo perficienda. Salivæ igitur, liquoris œsophagei & gastrici proventus largiorem ne mireris; non minori indigebat ciborum singulis diebus ingerendorum moles, quorum inde tritura faciliior, accuratior dissolutio.

## I I I.

**P**RÆCIPUA hæc esse debet assumendi cibi conditio, palato arridere. De salubritate aut insalubritate parum sollicitus sanus homo, qui & bene valet & suæ spontis est, quem nullis idcirco obligatum legibus esse convenit, cibum illum eligat, quem sibi jucundiorem, minùs tamen noxium experietur. Talem Divini Senis adductus consilio, meliori quidem, sed minùs grato anteponat. Hujus præcepti mentem inquiris? hanc tibi revelabit jam allata digestionis doctrina. Quidquid palato sapit, salivam movet uberiolem: hujus proventu largiori dum exoptatus cibus perfunditur, faciliorem parat sui

ipſius diſſolutioni viam. Mollior inde factus, minorem opponit prementibus eum undequaque & terentibus organis obicem. Hæc, ſi dentes exceperis, oſcillantibus continuò fibris conflantur, quarum eò vividior & alacrior fuerit motus, quò majori lymphæ copiam irroratæ, flexilitatis ſuæ tenaciores futuræ ſunt. Huc potiſſimum facit largior œſophagei & gaſtrici liquorum proventus; neque enim totus cibus molliendis & perfundendis inſumitur, quin potiùs meliori ſui parte fibrarum flexibilitati conſervandæ natum exiſtimes.

## I V.

**I**NTER corpus & animam mutua neceſſitudo, poſitis quibusdam illius motibus, certas in animam cogitationes excitat & viciffim. Inde vera innotefcit felicioris ab optato cibo digeſtionis ſperandæ cauſa. Mentem jucundè afficit rei alicujus exoptatæ præſentia: ſanguinis inde velocitas major, copioſior ad organa ſecretiora affluxus, eorundem preſſio vividior, ſecretionis ipſius facilitas. Saliva ergo aſſumpto ſuaviore cibo uberior ad os deferetur: nuſquam ſuis operibus natura deeſt; ſic, quam partibus nutriendis neceſſariam novit ciborum diſſolutionem, omni ope molitur. Diſſolutionem, inquam, quâ totum omne digeſtionis artiſcium contineri ſuadet partium nutriendarum indoles. Cujusnam ſint interrogas? vaſa ſunt, vaſorum proinde ſimilium moleculis reparanda. Digeſtionem itaque molecularum ejuſmodi nutriendis vaſis appoſitarum ſejunctionem dicas & ſeparationem; quas ad nutritionem apponit vaſorum preſſio & ſucci præterlabentis impetus, eaſdem ventriculi actione, lymphâ priùs uberiori perfuſas, in digeſtionis negotio ſeparari ne dubites. Vaſorum oſcillantium & ventriculi eandem eſſe vim ac potentiam evincit ſimilis utriuſque textura, quæ ex villis à naturâ contractilibus coaluit. Quid! ſi ab optato cibo, auctâ ſanguinis velocitate, ſuperior evadat ventriculi actio; hinc enim ut ſalivæ, cæterorumque ſuccorum digeſtioni famulantium ſecretio copioſior, ſic ciborum aſſumptorum facilior erit comminutio.

## V.

**N**E ciborum quos appetis vires ac dotes ſcrupuloſiùs inquiras. Ut ſano varium vitæ genus eſſe debet, ſic in eligendis cibus naturam ſequaris ducem: *Εὐχρηστον* negligas interdum, ut illaudabiliori, ſi palato magis arrideat, indulgeas. Atque ut optima ſæpe remedia pauperrimus quiſque cœnat, ſic ex cibo viliori ſuccum, ſi non laudabilem, ſaltem naturæ minùs inſen-

sum speres: sat laudabilis erit, qui præviâ digestionem eam nactus fuerit indolem, quæ deperditarum partium possit jacturam refarcire; hanc habebit qui copioso latice perfusus, ventriculi actione planè subactus fuerit, & in minima divisus. Tot bona ab optato cibo speranda esse confidas: hujus præsentia sanguini stimulos addendo, secretiones promover, fibrarum oscillationes accelerat. Adeo stupendum animæ in corporis machinam imperium: saliva ergo copiosior cibos optatos irrorabit: salivæ æmuli ab œsophago & ventriculo stillantes indefinenter lymphatici succi, hos intimiùs persuadent; ventriculi fibrarum oscillatio vividior erit & alacrior, ingestorum ulterior attenuatio, faciliior distributio; totidem felicioris digestionis argumenta.

*Ergo felicior optati cibi digestio.*

Proponebat Parisiis GUILLELMUS DE MAGNY,  
Parisinus, Baccalaureus Medicus. A. R. S. H. MDCCXIX.